

<https://lurer.com/?p=218392&l=am>

3 Ապրիլ, 2016 17:40

## Եռաքայլ իրավական պատասխան Ադրբեջանին (դեպի ԶԶ և ԼՂՐ վերամիավորում)



*Ապրիլի 1-ի լույս 2-ի գիշերն ադրբեջանական կողմը Լեռնային Ղարաբաղի նկատմամբ սկսել է լայնածավալ հարձակողական գործողություններ՝ կիրառելով իր զինանոցում եղած ռազմական տեխնիկայի գրեթե բոլոր հնարավոր տեսակները: Իրավիճակի շուրջ [LURER.COM](https://lurer.com)-ը գրուցել է քաղաքական գիտությունների դոկտոր Արմեն Այվազյանի հետ:*

- Պրն. Այվազյան, ինչպես կմեկնաբանեք ԶԶ նախագահ Սերժ Սարգսյանի առաջարկը, որով նա ԶԶ արտաքին գործերի նախարարությանը, փաստորեն, հանձնարարել է «համագործակցել Լեռնային Ղարաբաղի արտաքին գործերի նախարարության հետ եւ աշխատել Լեռնային Ղարաբաղի հետ ռազմական փոխօգնության պայմանագիր կնքելու ուղղությամբ: Անհրաժեշտ է պայմանագրի տեքստն ունենալ, համապատասխան քննարկումներ անցկացնել եւ ուղարկել Ազգային ժողով: Հայաստանի Հանրապետությունը լիարժեքորեն կատարելու է իր պարտականությունը Լեռնային

**Ղարաբաղի բնակչության անվտանգության ապահովման առումով, Եւ մենք նաեւ ունենք դրա իրավաբանական իրավունքը, որովհետեւ ինքներս հանդիսանում ենք 1994 թվականին կնքված հրադադարի համաձայնագրի կողմ»:**

- Հասկանալի է, որ ստեղծված պայմաններում Հայաստանի Հանրապետության պատասխանն Ադրբեջանին պետք է լինի ոչ միայն ռազմական, այլև միջազգային իրավական դաշտում և այդ առումով ՀՀ նախագահի առաջարկը միանգամայն ողջունելի է: Սակայն, կարծում եմ, այս քայլը պետք է կատարվի իրավական առավել լայն ու խորը շրջանակում:

Նախևառաջ պետք է հիշել հայկական կողմի բուն նպատակը՝ Արցախի վերջնական վերամիավորումը Հայաստանի Հանրապետության հետ: Այժմ ՀՀ-ն ու ԼՂՀ-ն մեկ միասնություն են կազմում ռազմական, լեզվամշակութային, էթնոժողովրդագրական, տնտեսական, ֆինանսադրամական և բազմաթիվ այլ բնագավառներում: Ներկա Հայաստանը հայ զինվորի վերահսկած 42,000 քմ կմ տարածքի վրա գոյություն ունեցող Հայաստանի ու Լեռնային Ղարաբաղի հանրապետություններն են: Այս փաստական միասնությունը հնարավորին չափ շուտ պետք է ուղեկցվի իրավական վերամիավորմամբ: Սակայն միջազգային քաղաքական գործող համակարգի պայմաններում ՀՀ և ԼՂՀ վերամիավորման գործընթացը բարդագույն խնդիր է: Անգամ Ռուսաստանի Դաշնությունն իր ողջ հզորությամբ ու միջազգային կշռով Դրիմս իր կազմի մեջ մտցնելուց հետո բախվել է կոշտ դիմադրության: Հետևաբար, ՀՀ և ԼՂՀ վերամիավորման մասին շտապողական հայտարարությունը որևէ կողմից աջակցություն ստանալ չի կարող: Այդ քայլը կմեկնաբանվի որպես անեկսիա, թեկուզև այդ մասին գոյություն ունի տակավին 1989 թ. դեկտեմբերի 1-ին Հայկական ԽՍՀ Գերագույն խորհրդի և ԼՂԻՄ մարզային խորհրդի համատեղ որոշումը:

Այդուամենայնիվ Ադրբեջանի լկտի ագրեսիան թույլ է տալիս առանց հապաղելու շարժվել իրավական վերամիավորման ուղղությամբ: Կարծում եմ, Հայաստանի Հանրապետությունը կարող է որդեգրել վերամիավորման հետևյալ եռաքայլ ռազմավարությունը.

**առաջին՝** ՀՀ-ն ճանաչում է Արցախի հանրապետության անկախությունը.

**երկրորդ՝** ՀՀ-ն և ԼՂՀ-ն անմիջապես կնքում են կոնֆեդերատիվ հարաբերությունների մեջ մտնելու մասին պայմանագիր (պայմանագրի կետերը, բնականաբար, պետք է մշակվեն ու ձևակերպվեն շատ նրբորեն մասնագիտական մի քանի խմբերում, որոնց մեջ կարիք կլինի ներգրավելու նաև միջազգային իրավունքի արտասահմանցի առաջատար փորձագետներին).

**երրորդ՝** ապագայում առաջին իսկ հարմար առիթով այս կոնֆեդերացիայի երկու անդամներն ընդունում են միասնական պետություն կազմելու մասին վերջնական որոշում:

Առաջին և երկրորդ քայլերը պետք է կատարվեն գրեթե միաժամանակ, որովհետև առանց ՀՀ-ի հետ կոնֆեդերատիվ հարաբերությունների հաստատման Արցախի

ճանաչումը որպես անկախ պետություն ունի նաև մեծ բացասական կողմեր, այդ թվում՝ վերամիավորման բուն նպատակի ստվերում և լղոզում, իսկ երկարաժամկետ կտրվածքով նաև ընդհանուր հայկական ինքնությունից անջատ «արցախյան» էթնիկական ինքնության ձևավորման ակամա խրախուսում (այս կապակցությամբ բավարար է հիշել իր մայր հայրենիքից՝ Սերբիայից կամավորապես անջատված Չեռնոգորիայի օրինակը):

Երրորդ քայլը՝ միասնական պետության հռչակումը, պետք է կատարել ապագայում, երբ միջազգային քաղաքական իրադրությունը նորից բարենպաստ հնարավորություն կընձեռի:

Այս եռաքայլ սցենարով ՀՀ և ԼՂՀ վերամիավորման կարևորագույն խնդիրն առաջ կշարժվի, իսկ Ադրբեյջանն իր ռազմական արկածախնդրության դիմաց կստանա հուժկու իրավաքաղաքական հակահարված: Բաքվի հերթական այս հանցագործությունը՝ մեծ պատերազմի հրահրումն պետք է պատժվի համակողմանիորեն, ներառյալ միջազգային և պետական իրավունքի ուժով:

Միաժամանակ, միջազգային հանրության համար այսպիսի կոնֆեդերացիայի ստեղծումը կլինի առավել ընկալելի և ընդունելի, քանի որ այն կհաստատի ու կպարզեցնի 1994 թ. գինադադարից ի վեր իրական հողի վրա գոյություն ունեցող ռազմաքաղաքական վիճակը: